

*Orde do 8 de maio de 2008 pola que se convocan premios á innovación educativa para profesorado e centros públicos de ensino non universitario dependentes da Consellería de Educación e Ordenación Universitaria.*

As necesidades da sociedade e os cambios na concepción actual do proceso de ensino e do proceso de aprendizaxe precisan que o sistema educativo fomen-te a participación nos procesos de innovación e inves-tigación, co propósito de introducir novidades e renova-r a práctica docente, como elemento de mellora.

Ao mesmo tempo, a eficacia da educación depen-de en boa medida da capacidade do profesorado e do sistema educativo para renovarse de acordo coas novas demandas sociais, as circunstancias sempre cambiantes do alumnado, os novos coñecementos científicos e didácticos e os correspondentes méto-dos e instrumentos utilizados que potencien o ache-gamento do sistema educativo á realidade social.

A Consellería de Educación e Ordenación Univer-sitaria quere recoñecer aquelas experiencias inno-vadoras que se están desenvolvendo nos centros educativos galegos e que supoñan unha mellora de calidade de ensino, en especial no que se refire ao traballo para que o alumnado desenvolva as compe-tencias básicas recollidas na normativa pola que se regulan os currículos educativos de ensino non uni-versitario.

En consecuencia co anteriormente exposto, esta consellería

### DISPÓN:

#### Artigo 1º.-*Obxecto da convocatoria.*

O obxecto desta orde é a convocatoria de 54 pre-mios á innovación educativa nas seguintes modali-dades:

a) Modalidade A-experiencias: innovacións didác-ticas sobre o traballo para desenvolver as competen-cias básicas que debe adquirir o alumnado e a inter-disciplinariedade.

b) Modalidade B-materiais: dirixidos ao ensino da lingua galega ao alumnado procedente do estranxei-ro, á atención ao alumnado con necesidades especí-ficas de apoio educativo e a materiais relacionados co fomento do plurilingüismo.

c) Modalidade C-proxectos de centros: plan anual de lectura, plan de convivencia, plan de introdución as técnicas da información e comunicación (TIC) e plans que recollan medidas organizativas e curricu-lares para a escolarización de alumnado procedente do estranxeiro.

d) Modalidade D: medidas establecidas polos cen-tros educativos para a prevención e intervención ante o absentismo escolar e abandono temperá dos estudos.

#### Artigo 2º.-*Número de premios e dotación económica.*

1. Os premios con cargo ás aplicacións orzamenta-rias 09.02.423A.640.2 para as modalidades A,B,C e 09.02.423B.640.3 para a modalidade D da Conselle-ría de Educación e Ordenación Universitaria, por un importe total de 87.500 €, terán os seguintes impor-tes e distribución:

Modalidade A	Categorías	Nº de premios	Dotación económica
A.1-Experiencias sobre o traballo para desenvolver as competencias básicas que debe adquirir o alumnado	1º premio	1	3.000 €
	2º premio	2	2.000 €
	3º premio	5	1.000 €
A.2-Proxecto interdisciplinar de 1º da ESO	1º premio	1	2.000 €
	2º premio	1	1.500 €

Modalidade B	Nº de premios	Dotación económica
B.1-Materiais dirixidos ao ensino da lingua galega ao alumnado procedente do estranxeiro	3	1.500 €
B.2-Materiais dirixidos ao alumnado con necesidades específicas de apoio educativo	2	2.000 €
B.3-Materiais relacionados co plurilingüismo destinados a utilización nas seccións bilingües	10	1.000 €

Modalidade C	Nº de premios	Dotación económica
C.1-Plan anual de lectura do centro	3	1.500 €
C.2-Plan de convivencia do centro	3	1.500 €
C.3-Plan de introdución das TIC do centro	3	1.500 €
C.4-Plans que recollan medidas organizativas e curriculares para a escolarización do alumnado procedente do estranxeiro	10	1.500 €

Modalidade D	Nº de premios	Dotación económica
D.1-Medidas de prevención e intervención ante o absentismo escolar e abandono temperá dos estudos	10	2.500 €

2. Os premios poderán ser declarados desertos. Con carácter excepcional e por acordo motivado do xurado, a directora xeral de Ordenación e Innova-ción Educativa poderá determinar a redistribución da contía de premios declarados desertos entre algunha das outras modalidades ou categorías da convocatoria.

#### Artigo 3º.-*Destinatarios.*

Poderá participar nesta convocatoria:

-Nas modalidades A, B, a título individual ou en grupo (4 persoas como máximo), o profesorado que desenvolvese as experiencias educativas ou elabora-se material que presenta no curso 2007-2008 en centros educativos de ensino non universitario e sos-tidos con fondos públicos.

-Nas modalidades C e D, os centros educativos públicos de ensino non universitario dependentes desta consellería que teñan realizado o proxecto educativo no curso 2007-2008.

#### Artigo 4º.-*Prazo de presentación.*

O prazo de presentación de solicitudes para as catro modalidades comeza o día seguinte ao da súa publicación no *Diario Oficial de Galicia* e remata o 15 de setembro de 2008.

*Artigo 5º.-Presentación de solicitudes e documentación.*

Para participar nesta convocatoria será necesaria a presentación da seguinte documentación:

a) Instancia dirixida á directora xeral de Ordenación e Innovación Educativa, asinada polo autor ou, se é o caso, polo coordinador responsable do grupo de traballo, e no caso da modalidade C e D pola directora ou director do centro, segundo o modelo do anexo I desta orde.

b) Para as modalidades A e B, certificación do director/a do centro educativo en que estea destinado cada docente, e que deberá incluír o DNI e NRP, acreditativo de que o autor ou cada membro do grupo de traballo presta os seus servizos como persoal docente no devandito centro ou de que estivo destinado neste durante a realización da experiencia. Redactarase segundo o modelo que figura no anexo II.

c) Declaración xurada ou promesa de estar en posesión dos dereitos de publicación, distribución e uso da totalidade da experiencia; materiais ou produtos presentados, de que son inéditos ou, polo menos, non foron comercializados; e de que non foron premiados ou se obtivo bolsa por eles con anterioridade, nin sufragados pola Xunta de Galicia ao abeiro doutros programas, segundo o modelo que figura no anexo III.

d) Para as modalidades A ou B, cada participante debe achegar unha copia compulsada do seu DNI e unha certificación bancaria de que é titular da conta declarada na solicitude. Para as modalidades C e D, certificación bancaria do centro.

e) Autorización, se é o caso, para o uso da imaxe de menores segundo o modelo que figura no anexo IV.

f) No caso de que os autores non dispoñan da plena titularidade dos dereitos do traballo presentado terán que achegar un escrito asinado polos posuidores deses dereitos declarando a aceptación das bases deste concurso.

g) Memoria descritiva da experiencia, materiais educativos ou proxectos que presentan.

h) Materiais que presenta con soporte óptico (CD-ROM).

i) Os concursantes deberán presentar o traballo por duplicado, e redactado en galego normativo, no rexistro da Consellería de Educación e Ordenación Universitaria, a través das distintas delegacións provinciais ou polas canles establecidas na Lei 30/1992, do 26 de novembro, de réxime xurídico das administracións públicas e do procedemento administrativo común. No caso de proceder ao envío certificado por correo, a instancia que debe acompañar o traballo estará datada e cuñada polo funcionario de correos antes de ser certificada.

Os elementos que se presenten en soporte magnético entregaranse en CD-ROM claramente etiquetado.

De conformidade co artigo 71 da Lei 30/1992, do 26 de novembro, de réxime xurídico da administracións públicas e do procedemento administrativo común, cando non se achegue a documentación exigida, as persoas ou centros interesados serán requiridos para a súa presentación nun prazo máximo de

dez días hábiles contados desde o día seguinte ao da notificación efectuada; de non facelo, considerarase que desistiron da súa petición.

*Artigo 6º.-Características da memoria descritiva.*

1. Presentaranse dúas copias: unha en soporte óptico (CD-ROM) e outra en papel, coa memoria descritiva da experiencia educativa, materiais ou plan cunha extensión máxima de 33.000 caracteres (espazos incluídos). A súa estrutura axustarase ao seguinte esquema:

a) Portada : título, centro, sinopse do traballo en catro liñas, delimitación de campo de traballo (ciclo, curso, área ou materias).

b) Índice con ligazóns activas.

c) Guía didáctica: xustificación, obxectivos, contidos, metodoloxía, temporalización, organización de espazos e de tempos, actividades, plan de avaliación (indicadores e incidencia na práctica educativa).

d) Mecanismos establecidos para a coordinación, no caso de varios participantes dun só centro ou de varios centros.

2. Poderanse presentar outros materiais complementarios que se consideren de interese (escritos, gráficos, audiovisuais, etcétera), no soporte que se considere oportuno, preferiblemente en soporte óptico.

*Artigo 7º.-Requisitos xerais das experiencias, dos materiais e dos proxectos.*

1. As experiencias e materiais que se presenten por calquera das modalidades recollidas deberán reunir os seguintes requisitos xerais:

a) Os traballos presentados individualmente, en grupo ou por centros deberán ser orixinais, non comercializados e non premiados con anterioridade.

b) Os traballos deberán ser redactados e presentados en lingua galega, seguindo a normativa da Real Academia Galega de 2003, agás as actividades e contidos directamente dirixidos ao alumnado que versen sobre as materias de lingua castelá e literatura, que poderán estar en castelán, e lingua estranxeira, que poderán estar no idioma estranxeiro obxecto do traballo. En todo caso, a memoria descritiva deberá estar obrigatoriamente redactada en galego.

c) Deberán ter sido experimentados nas aulas ou nos centros e supoñer innovacións curriculares, metodolóxicas ou organizativas, así como ser coherentes coa normativa establecida pola Xunta de Galicia.

d) O material presentado non poderá incluír publicidade de empresas, produtos ou servizos comerciais.

e) Os materiais presentados en que aparezan menores deberán levar obrigatoriamente a correspondente autorización (anexo IV) para uso da súa imaxe asinada polos pais, tutores ou representantes legais dos menores.

f) En todos os materiais educativos eliminaranse os estereotipos sexistas ou discriminatorios e fomentaranse o igual valor de homes e mulleres.

g) No caso de que os autores non dispoñan da plena titularidade dos dereitos do traballo presentado,

terán que achegar un escrito asinado polos posuidores destes en que aceptan as bases deste concurso.

O feito de que un produto necesite para o seu funcionamento e libre distribución software propietario-comercial e/ou dereitos que non poidan ser cedidos polo concursante será motivo suficiente para a súa exclusión do concurso.

2. Os materiais presentados pola modalidade B versarán sobre contidos curriculares das diferentes áreas e niveis educativos non universitarios. Entregaranse por duplicado en CD-ROM e incluírán os códigos fonte. Co fin de facilitar a publicación en web, recoméndase consultar a guía de publicación en web, dispoñible no portal de contidos educativos ([http://www.contidos.edu.xunta.es/guia\\_boas\\_practicas](http://www.contidos.edu.xunta.es/guia_boas_practicas)), en opcións, na sección de Obradoiro.

#### Artigo 8º.-*Comisión de selección.*

1. As experiencias, os materiais e os proxectos presentados que se axusten a esta convocatoria serán valorados por unha comisión presidida pola directora xeral de Ordenación e Innovación Educativa, ou persoa en quen delegue, e integrada polos seguintes vogais: a subdirectora xeral de Ordenación Educativa; a xefa do Servizo de Ordenación e Innovación Educativa; o xefe do Servizo de Formación do Profesorado; cinco asesoras ou asesores do Servizo de Ordenación e Innovación Educativa, un dos cales actuará como secretario/a con voz pero sen voto.

2. A comisión, se é o caso, poderá contar co asesoramento de especialistas así como con informes da inspección educativa e/ou dos centros de formación e recursos, solicitados previamente pola Dirección Xeral de Ordenación e Innovación Educativa.

#### Artigo 9º.-*Criterios de valoración.*

En cada unha das modalidades a comisión seleccionará os traballos tendo en conta os seguintes criterios:

##### Modalidade A:

-O carácter innovador ou integrador de prácticas educativas novas, eficaces e sustentables.

-A calidade da investigación ou avaliación previa que lle dea fundamento ao traballo.

-A incidencia na mellora da práctica docente e na calidade da educación.

-A adaptación do traballo ao alumnado, ás súas necesidades e capacidades, tomando en consideración a variedade de situacións educativas persoais e sociais.

-A calidade do deseño didáctico, materiais e presentación gráfica.

-A transferibilidade a outros contextos educativos para a súa utilización por outro profesorado, e alumnado do mesmo nivel, etapa ou curso.

-A capacidade para ser difundido.

##### Modalidade B:

Ademais das exixidas na modalidade A, deberán recoller os seguintes:

-A axuda que presenta á resolución de problemas didácticos concretos dunha área ou materia.

-A adaptación á realidade galega, á súa diversidade, aos seus valores e sinais de identidade.

-O deseño pedagóxico, relevancia e volume dos contidos, así como cantidade de exemplos, exercicios e suxestións de diferentes aplicacións didácticas na aula.

-A estrutura do material que permita a gradación da aprendizaxe en diferentes niveis e propostas pedagóxicas que ofrezan distintos niveis de aprendizaxe.

-A facilidade de manexo, calidade do deseño gráfico, interactividade.

-A adecuación ás últimas tecnoloxías, e a transferibilidade aos centros educativos.

##### Modalidade C:

Ademais das recollidas na modalidade A deberán recoller as seguintes

-A coherencia coas pautas da propia consellería para cada un dos ámbitos.

-A potencialidade para favorecer a adquisición das competencias básicas.

-A implicación dos equipos docentes no deseño e desenvolvemento do plan.

-A implicación da comunidade educativa, familia, alumnado...

-A converxencia con outros plans e programas do centro en beneficio dun enfoque globalizado das estratexias educativas.

-O esforzo na sistematización das boas prácticas.

##### Modalidade D:

-A vinculación coa problemática do contexto e/ou do contorno.

-A análise das características do alumnado.

-O uso dunha metodoloxía que facilite a participación activa do alumnado, a resposta á diversidade, a adaptación ao contorno.

-As canles, recursos e medios de difusión, comunicación e sensibilización á comunidade educativa dos obxectivos e accións do proxecto.

-A realización de actividades complementarias, a integración de actividades extraescolares, principalmente accións formativas coas familias e co alumnado, e a implicación da comunidade educativa.

-A planificación da avaliación do propio proxecto para analizar o grao de consecución dos obxectivos previstos e proposta de mellora.

-A implicación de organismos locais, ONG, asociacións, etc.

-A participación de axentes externos.

-A distribución de funcións.

-A garantía de continuidade do proxecto.

#### Artigo 10º.-*Resolución.*

1. A proposta de concesión de premios emitida pola comisión de selección elevarase á conselleira de Educación e Ordenación Universitaria, para a súa resolución e publicación no *Diario Oficial de*

*Galicia*, logo da presentación polos beneficiarios da súa declaración de que a experiencia ou material presentado é inédito ou, polo menos, non foi comercializado, e de que non obtivo ningún premio desde que se presentou a esta convocatoria.

2. Contra esa resolución, que porá fin á vía administrativa, as persoas interesadas poderán interpor recurso potestativo de reposición perante a conselleira de Educación e Ordenación Universitaria no prazo dun mes, contado a partir do día seguinte ao da súa publicación no *Diario Oficial de Galicia*, segundo o disposto nos artigos 116 e 117 da Lei 30/1992, modificada pola Lei 4/1999, do 13 de xaneiro, de réxime xurídico das administracións públicas e do procedemento administrativo común, ou ben directamente o recurso contencioso-administrativo, no prazo de dous meses, perante o Tribunal Superior de Xustiza de Galicia, de conformidade coa Lei 29/1998, do 13 de xullo, reguladora da xurisdición contencioso-administrativa.

3. As solicitudes enténdense desestimadas por silencio administrativo no caso de non seren resoltas no prazo de tres meses desde que remata o prazo de presentación de solicitudes.

#### Artigo 11º.-*Certificación.*

A Administración educativa recoñeceralle ao profesorado autor dos traballos premiados, mediante expedición de certificado persoal, as actividades de innovación realizadas no marco desta convocatoria. Estas terán, ao abeiro do artigo 28 da Orde do 1 de marzo de 2007, pola que se regula a convocatoria, recoñecemento, certificación e rexistro das actividades de formación permanente do profesorado e se establecen as equivalencias das actividades de investigación e das titulacións (DOG do 11 de abril), a equivalencia de actividades de formación permanente do profesorado.

Así, terase en conta para cada traballo a equivalencia de 20 horas, que nas autorías colectivas se distribuirán entre o profesorado para o que se declare unha participación igual ou superior ao 25%, segundo as porcentaxes declaradas na solicitude, cunha certificación individual non inferior a 10 horas.

Aos centros premiados pola modalidade C e D emitiráselles unha certificación da súa participación.

#### Artigo 12º.-*Pagamento dos premios.*

1. O pagamento do importe correspondente aos premios farase:

a) Nas modalidades A ou B, por transferencia bancaria a nome do autor ou autora se o traballo é individual. No caso de que sexa colectivo, o pagamento farase a todos os integrantes do grupo segundo as porcentaxes de participación declaradas na solicitude.

b) Nas modalidades C e D por transferencia bancaria á conta do centro. O importe será investido en actuacións que dean continuidade ao proxecto premiado, podendo xustificarse en gastos correntes sen que supoña a compra de material inventariable.

2. Os premios estarán suxeitos á retención fiscal correspondente.

3. Os destinatarios/as dos premios teñen a obriga de facilitar toda a información que se lles sexa requirida pola Intervención Xeral da Comunidade Autónoma, polo Tribunal de Contas e polo Consello de Contas no exercicio das súas funcións de fiscalización e control de destino das axudas.

#### Artigo 13º.-*Difusión e publicación das experiencias, materiais e proxectos.*

A presentación a esta convocatoria implicará, no caso dos traballos premiados, a colaboración nas accións de difusión que se organicen, así como a cesión a favor da Consellería de Educación e Ordenación Universitaria dos dereitos de edición.

No caso de que, nese período, os autores decidisen publicar os traballos premiados por outras vías, deberán solicitar o permiso correspondente á Dirección Xeral de Ordenación e Innovación Educativa. De ser a resposta positiva, na publicación deberá constar expresamente o premio de que foi obxecto.

Os autores/as quedarán comprometidos a realizar as modificacións precisas nos documentos finais e/ou subministrar os ficheiros de código fonte necesarios para que poidan ser publicados total ou parcialmente no formato máis axeitado.

#### Artigo 14º.-*Retirada da documentación.*

Os interesados ou os seus representantes poderán retirar a documentación dos traballos non premiados, na Dirección Xeral de Ordenación e Innovación Educativa, no prazo de catro meses a partir da publicación da resolución de concesión desta convocatoria no *Diario Oficial de Galicia*. Transcorrido o citado prazo procederá á súa destrución, agás os que sexan obxecto de recurso.

#### *Disposicións derradeiras*

##### *Primeira.-Delegación de competencias.*

Autorízase a Dirección Xeral de Ordenación e Innovación Educativa para ditar as disposicións necesarias no desenvolvemento desta orde.

##### *Segunda.-Recursos.*

Contra esta orde poderase recorrer, mediante o recurso potestativo de reposición, perante a conselleira de Educación e Ordenación Universitaria, no prazo dun mes desde o día seguinte ao da súa publicación. A orde tamén poderá ser directamente impugnada ante a Sala de Contencioso-Administrativo do Tribunal Superior de Xustiza de Galicia, no prazo de dous meses contados desde o día seguinte ao da súa publicación no *Diario Oficial de Galicia*.

##### *Terceira.-Entrada en vigor.*

Esta orde entrará en vigor a partir do día seguinte ao da súa publicación no *Diario Oficial de Galicia*.

Santiago de Compostela, 8 de maio de 2008.

Laura Sánchez Piñón  
Conselleira de Educación e Ordenación  
Universitaria



**XUNTA DE GALICIA**  
CONSELLERÍA DE EDUCACIÓN  
E ORDENACIÓN UNIVERSITARIA

## ANEXO I

PROCEDEMENTO <b>PREMIOS Á INNOVACIÓN EDUCATIVA</b>	CÓDIGO DO PROCEDEMENTO <b>ED313E</b>	DOCUMENTO <b>SOLICITUDE</b>
---	---	--------------------------------

O profesorado e centros que figura na seguinte relación solicita a súa participación no concurso convocado pola Orde do \_\_\_\_\_ da Consellería de Educación e Ordenación Universitaria (\*) na modalidade (marcar a que corresponda):

MODALIDADE A CATEGORÍA   
 MODALIDADE B CATEGORÍA   
 MODALIDADE C CATEGORÍA   
 MODALIDADE D CATEGORÍA

TÍTULO DO TRABALLO

## COORDINADOR/A - DIRECTOR/A (MODALIDADE C e D)

APELIDOS	NOME	NIF	NRP
<input type="text"/>	<input type="text"/>	<input type="text"/>	<input type="text"/>
ENDEREZO		LOCALIDADE	
<input type="text"/>		<input type="text"/>	
CONTA CORRENTE PERSOAL/CENTRO (MODALIDADE C e D)	BANCO	SUCURSAL	DC
<input type="text"/>	<input type="text"/>	<input type="text"/>	<input type="text"/>
CÓDIGO DA CONTA		CÓDIGO POSTAL	TELÉFONO
<input type="text"/>		<input type="text"/>	<input type="text"/>
CENTRO EDUCATIVO		CÓDIGO DO CENTRO	
<input type="text"/>		<input type="text"/>	
CORREO ELECTRÓNICO PERSOAL		PORCENTAXE DE PARTICIPACIÓN	
<input type="text"/> @edu.xunta.es		<input type="text"/>	

## OUTROS/AS PARTICIPANTES

APELIDOS	NOME	NIF	NRP
<input type="text"/>	<input type="text"/>	<input type="text"/>	<input type="text"/>
CONTA CORRENTE PERSOAL	BANCO	SUCURSAL	DC
<input type="text"/>	<input type="text"/>	<input type="text"/>	<input type="text"/>
CÓDIGO DA CONTA		PORCENTAXE DE PARTICIPACIÓN	
<input type="text"/>		<input type="text"/>	
CENTRO EDUCATIVO		CORREO ELECTRÓNICO PERSOAL	
<input type="text"/>		<input type="text"/> @edu.xunta.es	
APELIDOS	NOMBRE	NIF	NRP
<input type="text"/>	<input type="text"/>	<input type="text"/>	<input type="text"/>
CONTA CORRENTE PERSOAL	BANCO	SUCURSAL	DC
<input type="text"/>	<input type="text"/>	<input type="text"/>	<input type="text"/>
CÓDIGO DA CONTA		PORCENTAXE DE PARTICIPACIÓN	
<input type="text"/>		<input type="text"/>	
CENTRO EDUCATIVO		CORREO ELECTRÓNICO PERSOAL	
<input type="text"/>		<input type="text"/> @edu.xunta.es	
APELIDOS	NOME	NIF	NRP
<input type="text"/>	<input type="text"/>	<input type="text"/>	<input type="text"/>
CONTA CORRENTE PERSOAL	BANCO	SUCURSAL	DC
<input type="text"/>	<input type="text"/>	<input type="text"/>	<input type="text"/>
CÓDIGO DA CONTA		PORCENTAXE DE PARTICIPACIÓN	
<input type="text"/>		<input type="text"/>	
CENTRO EDUCATIVO		CORREO ELECTRÓNICO PERSOAL	
<input type="text"/>		<input type="text"/> @edu.xunta.es	

\_\_\_\_\_, de \_\_\_\_\_ de \_\_\_\_\_

Sinatura dos/as participantes

(\*) Os datos persoais recollidos serán tratados co seu consentimento informado nos termos do art. 5 da Lei orgánica 15/1999. De conformidade cos principios dispostos nela, poderase exercer o dereito de acceso, rectificación, cancelación e oposición ante o responsable do ficheiro.

LEXISLACIÓN APLICABLE  <i>Orde do 8 de maio de 2008 pola que se convocan premios á innovación educativa para profesorado e centros públicos de ensino non universitario dependentes da Consellería de Educación e Ordenación Universitaria.</i>	(Para cubrir pola Administración)	NÚMERO DE EXPEDIENTE _____
SINATURA DO SOLICITANTE  _____, de _____ de _____	RECIBIDO  <input type="text"/>	DATA DE ENTRADA ____/____/____
	REVISADO E CONFORME  <input type="text"/>	DATA DE EFECTOS ____/____/____
		DATA DE SAÍDA ____/____/____

Directora xeral de Ordenación e Innovación Educativa

*ANEXO II*

**MODELO PARA CERTIFICAR A PERTENZA AO CENTRO DO AUTOR/A OU COAUTORES/AS**

Don/Dona  como director/a do centro  
 da localidade de   
 Código

**CERTIFICO**  
 Que as persoas que figuran a continuación teñen vinculación con este centro, como profesorado deste durante o curso académico 2006/2007.

Nome:  NIF:   
 Nome:  NIF:   
 Nome:  NIF:   
 Nome:  NIF:

\_\_\_\_\_, de \_\_\_\_\_ de \_\_\_\_\_

SINATURA E SELO DO CENTRO (\*)

(\*) Os datos persoais recollidos serán tratados co seu consentimento informado nos termos do artigo 5 da Lei orgánica 15/1999. De conformidade cos principios dispostos nela, poderase exercer o dereito de acceso, rectificación, cancelación e oposición ante o responsable do ficheiro.

*ANEXO III*

**MODELO DE CERTIFICADO DE ORIXINALIDADE**

Don/Dona  NIF:   
 Don/Dona  NIF:   
 Don/Dona  NIF:   
 Don/Dona  NIF:

**DECLARAN**  
 Estar en posesión dos dereitos de publicación, distribución e uso da totalidade da experiencia, materiais ou produtos presentados; que o traballo presentado é orixinal, non comercializado nin premiado con anterioridade; que posúen os dereitos e licenzas necesarios de uso e de reprodución do código, texto, imaxes, fontes tipográficas e recursos multimedia incluídos nel.

**AUTORIZAN**  
 A Consellería de Educación e Ordenación Universitaria da Xunta de Galicia, no caso de resultar premiados, a que reproduza, publique ou aloxe nos seus servidores de información o traballo presentado.

\_\_\_\_\_, de \_\_\_\_\_ de \_\_\_\_\_

O AUTOR/OS AUTORES  
 SINATURA (\*)

(\*) Os datos persoais recollidos serán tratados co seu consentimento informado nos termos do artigo 5 da Lei orgánica 15/1999. De conformidade cos principios dispostos nela, poderase exercer o dereito de acceso, rectificación, cancelación e oposición ante o responsable do ficheiro.

## ANEXO IV

## SOLICITUDE DE PERMISO PARA UTILIZAR A IMAXE DE MENORES (\*)

Don/Dona  con NIF

e con domicilio en  da localidade de

código postal  provincia  pai/nai/titor de

alumno/a do centro  con DNI<sup>(1)</sup>

**AUTORIZA** ao equipo de traballo coordinado por don/dona

a publicación da imaxe do seu fillo/a e a Consellería de Educación e Ordenación Universitaria, no caso de resultar premiadados, para que reproduza, publique ou aloxe nos seus servidores de información o traballo presentado.

Este material didáctico, de carácter universal, gratuíto e aberto, está exclusivamente suxeito a un uso educativo e non comercial. As accións e produtos derivados da súa utilización non poderán, en consecuencia, xerar ningún tipo de lucro.

\_\_\_\_\_ de \_\_\_\_\_ de \_\_\_\_\_

SINATURA

(\*) Os datos persoais recollidos serán tratados co seu consentimento informado nos termos do artigo 5 da Lei orgánica 15/1999. De conformidade cos principios dispostos nela, poderase exercer o dereito de acceso, rectificación, cancelación e oposición ante o responsable do ficheiro.

<sup>(1)</sup> No caso de que o teña.

## IV. OPOSICIÓNS E CONCURSOS

### CONSELLERÍA DE PRESIDENCIA, ADMINISTRACIÓNS PÚBLICAS E XUSTIZA

*Orde do 12 de maio de 2008 pola que se eleva a definitiva a proposta de aspirantes que superaron o proceso selectivo para o ingreso na categoría 003 (ordenanza/telefonista e outras) do grupo V de persoal laboral fixo da Xunta de Galicia, polas quendas de promoción interna e cambio de categoría e de acceso libre.*

De conformidade co disposto na base V das convocatorias para o acceso á categoría 003 (ordenanza/telefonista e outras) do grupo V do persoal laboral fixo da Xunta de Galicia, polas quendas de promoción interna e cambio de categoría e acceso libre, aprobadas en virtude das ordes do 21 de febreiro de 2006 (DOG nº 81, do 27 de abril), e unha vez remitida polo tribunal a proposta de aspirantes que superaron os ditos procesos selectivos, esta consellería

#### DISPÓN:

Primeiro.-Eleva a definitiva a proposta do tribunal de aspirantes que superaron o proceso selectivo da categoría 003 (ordenanza/telefonista e outras) do

grupo V do persoal laboral fixo da Xunta de Galicia, polas quendas de promoción interna e cambio de categoría e acceso libre, e que se relacionan como anexo a esta orde.

Segundo.-Os aspirantes que constan no dito anexo deberán remitir, no prazo de 20 días contados a partir do seguinte ao da publicación desta orde no DOG, á Dirección Xeral da Función Pública os documentos a que se refire a base V da orde de convocatoria.

Terceiro.- Contra esta orde, que pon fin á vía administrativa, poden interpoñer, os aspirantes, con carácter postestativo, recurso de reposición perante o conselleiro de Presidencia, Administracións Públicas e Xustiza no prazo dun mes contado desde o día seguinte ao da publicación desta orde, ou directamente recurso contencioso-administrativo no prazo de dous meses contados desde o día seguinte ao da súa publicación, perante o Xulgado do Contencioso-Administrativo de Santiago de Compostela, conforme ao disposto na Lei 29/1998, do 13 de xullo, reguladora da xurisdición contencioso-administrativa.

Santiago de Compostela, 12 de maio de 2008.

José Luis Méndez Romeu  
Conselleiro de Presidencia, Administracións  
Públicas e Xustiza